

續編三

廣
唐
賢
二
味
集

卷之三

三

三

卷之三

劉禹錫

團扇歌

團扇復團扇奉君清暑殿
秋風入庭樹從此不相
見上有桑鸞女蒼、網蟲
遍明月入懷袖別是機
中練

三鄉驛伏覩玄宗望女几
山詩斐然有感
開元天子萬事足惟惜當時
光景促三鄉陌上望



仙山歸作霓裳羽衣曲
仙心從此在瑤池
三清八景相追隨
天上忽乘白雲去
世間空有秋風聲

飛鳶操

鳶飛杳々青雲裏
鳶鳴蕭々風四起
旗尾飄揚勢漸高
箭頭若割敵相似
長空悠々霽日懸
六翮不動凝非烟
游鷗翔雁出其下
慶雲清景相迴旋
忽聞饑鳥噪相聚
瞥下雲中爭腐鼠
騰音礪吻相喧

呼仰天大嚇疑鷓鴣畏人避大投高處俛啄無聲
猶屢顧青鳥自愛玉山禾仙禽徒貴華亭露橫柳
危巢向暮時陪鯢飽腹蹲枯枝遊童挾彈一麾肘
臆碎羽分人不悲天生衆禽各有類威鳳文章在
仁義鷹隼儀形蝼蟻心雖能唳天何足貴

百舌吟

曉星寥落春雲低初聞百舌間關啼花枝滿空迷

處所搖動繁英墜紅雨笙簧百轉音韻多黃鸝吞
酸燕無語東方朝日遲遲升迎風弄景如自驚數
聲不盡又飛去何許相逢綠楊路絲蠻宛轉似娛
人一心百舌何紛紜醜顏俠少傳歌聽墮珥妖姬
和睡聞可憐光景何時盡誰能低面避鷹隼廷尉
張羅自不關潘郎挾彈無情損天生羽族爾何微
舌端萬變乘春暉南方朱鳥一朝見索莫無言蒿

下飛

武昌老人說笛歌

武昌老人七十餘手把庾令相聞書自言年少學
吹笛早事曹王曾賞激往年征鎮戍蘄州楚山蕭
蕭笛竹秋當時買林恣搜索典却身上烏貂裘古
苔蒼、封老節石上孤生飽風雪商聲五音隨指
撥水中龍應行雲絕曾將黃鶴樓上吹一教占盡

秋江月如今老去興猶遲
音韻高低耳不知氣力
已無心尚在時、一曲夢中吹

秋風引

何處秋風至蕭、送雁群
今朝入庭樹孤客最先
聞

三閨詞

貴人三閨上日晏未梳頭
不應有恨事嬌甚却成

愁

珠箔曲瓊鉤子細見揚州北兵那得渡浪語散悠

悠

沈香帖閣柱金縷画門楣迴首降幡下已見秦離

離

三人出智井一身登檻車朱門謾臨水不得見鱸

魚

紇那曲

楊柳鬱青、竹枝無限情
周郎一回顧聽唱紇那
觥

別蘇州

銷
流水閭門外
秋風吹柳條
從來送客處
今日自魂

詠史

賈生明王道
衛綰工車戲
同遇漢文時
何人居貴位

罷和州遊建康

秋水清無力
寒山暮多思
官閑不計程
編上南朝寺

經檀道濟故壘

萬里長城壞
荒營野州秋
秣陵多士女
猶唱白符

鳩

視刀環

常恨言語淺不如人意深今朝兩相視脈脈萬重

心

淮陰行

今日轉船頭金烏指西北烟波與春草千里同一色

隔浦望行船頭昂尾憶、無奈挑菜時清淮春浪
軟

春詞

新妝宜面下朱樓深鎖春光一院愁
行到中庭數花朵蜻蜓飛上玉搔頭

和令狐相公別牡丹

平章宅裏一闌花臨到開時不在家
莫道兩京非

遠別春明門外即天涯

臺城

臺城六代競豪華
結綺臨春事最奢
萬戶千門成野草
只緣一曲後庭花

烏衣巷

朱雀橋邊野草花
烏衣巷口夕陽斜
舊時王謝堂前燕
飛入尋常百姓家

石頭城

山圍故國周遭在
潮打空城寂寞迴
淮水東邊舊
時月夜深還過女墻來

生公講堂

生公說法鬼神聽
身後空堂夜不扃
高座寂寥塵
漠漠一方明月可中庭

江令宅

南朝詞臣北朝客歸來惟見秦淮碧池臺竹樹三
畝餘至今人道江家宅

聽舊宮人穆氏唱歌

曾隨織女渡天河記得雲間第一歌休唱貞元供
奉曲當時朝士已無多

與歌者朱嘉榮

唱得涼州意外聲舊人唯數朱嘉榮近來時世輕

先輩好染髭須事後生

與歌者何戡

二十餘年別帝京
重聞天樂不勝情
舊人唯有何
戡在更與殷勤唱渭城

堤上行

酒旗相望大堤頭
堤下連樵堤上樓
日暮行人爭
渡急槳散鴉輒滿中流